

# Zakharia

**1** בַּחֲדָשׁ הַשְּׁמִינִי בַשָּׁנָה שְׁתֵּים לְדַרְיוֹשׁ הָיָה  
דְּבַר־יְהוָה אֶל־זַכְרְיָה בֶן־בְּרַכְיָה בֶן־עֲדוֹ הַנְּבִיא  
לֵאמֹר: <sup>2</sup> קֶצֶף יְהוָה עַל־אֲבוֹתֵיכֶם קֶצֶף: <sup>3</sup> וְאָמַרְתָּ אֲלֵהֶם  
כֹּה אָמַר יְהוָה צְבָאוֹת שׁוּבוּ אֵלַי נְאֻם יְהוָה צְבָאוֹת  
וְאָשׁוּב אֲלֵיכֶם אָמַר יְהוָה צְבָאוֹת: <sup>4</sup> אֶל־תְּהִיו כְּאֲבֹתֵיכֶם  
אֲשֶׁר קִרְאוּ־אֲלֵיהֶם הַנְּבִיאִים הָרִאשׁוֹנִים לֵאמֹר כֹּה אָמַר  
יְהוָה צְבָאוֹת שׁוּבוּ נָא מִדְּרָכֵיכֶם הָרָעִים [וּמַעֲלִילֵיכֶם  
כ] (וּמַעֲלִילֵיכֶם ק) הָרָעִים וְלֹא שָׁמְעוּ וְלֹא־הִקְשִׁיבוּ אֵלַי  
נְאֻם־יְהוָה: <sup>5</sup> אֲבוֹתֵיכֶם אִי־הֵהֱמוּ וְהַנְּבִיאִים הִלְעוּלָם  
יַחֲיוּ: <sup>6</sup> אַךְ | דְּבַרְי וְחֻקֵי אֲשֶׁר צִוִּיתִי אֶת־עַבְדֵי הַנְּבִיאִים  
הַלּוֹא הִשִּׁיגוּ אֲבֹתֵיכֶם וַיִּשׁוּבוּ וַיֹּאמְרוּ כַּאֲשֶׁר זָמַם  
יְהוָה צְבָאוֹת לַעֲשׂוֹת לָנוּ כַּדְּרָכֵינוּ וְכַמַּעֲלָלֵינוּ כִּן עָשָׂה  
אֲתָנוּ: <sup>7</sup> ס בְּיוֹם עֶשְׂרִים וָאַרְבָּעָה לַעֲשֵׂת־יָעֵשׂר חֲדָשׁ  
הוֹאֲחֲדָשׁ שָׁבַט בַּשָּׁנָה שְׁתֵּים לְדַרְיוֹשׁ הָיָה דְּבַר־יְהוָה  
אֶל־זַכְרְיָה בֶן־בְּרַכְיָהוּ בֶן־עֲדוּא הַנְּבִיא לֵאמֹר: <sup>8</sup> רְאִיתִי  
| הַלִּילָה וְהִנֵּה־אִישׁ רֹכֵב עַל־סוּס אָדָם וְהוּא עֹמֵד בֵּין  
הַהֲדָסִים אֲשֶׁר בְּמִצְלָה וְאַחֲרָיו סוּסִים אֲדָמִים שָׂרְקִים  
וּלְבָנִים: <sup>9</sup> וְאָמַר מִה־אֵלֶּה אֲדַנִּי וַיֹּאמֶר אֵלַי הַמַּלְאָךְ  
הַדָּבָר בִּי אֲנִי אֲרָאךָ מִה־הֵמָּה אֵלֶּה: <sup>10</sup> וַיַּעַן הָאִישׁ הָעֹמֵד  
בֵּין־הַהֲדָסִים וַיֹּאמֶר אֵלֶּה אֲשֶׁר שָׁלַח יְהוָה לְהַתְּהַלֵּךְ  
בְּאַרְצֵךְ: <sup>11</sup> וַיַּעַן אֶת־מַלְאָךְ יְהוָה הָעֹמֵד בֵּין הַהֲדָסִים  
וַיֹּאמְרוּ הַתְּהַלְכֵנוּ בְּאַרְצֵךְ וְהִנֵּה כָל־הָאָרֶץ יִשְׁבֶּת וְשִׁקְטָת:  
<sup>12</sup> וַיַּעַן מַלְאָךְ־יְהוָה וַיֹּאמֶר יְהוָה צְבָאוֹת עַד־מָתִי אַתָּה  
לֹא־תִרְחַם אֶת־יְרוּשָׁלַם וְאֵת עַרְי יְהוּדָה אֲשֶׁר זָעַמְתָּה

זֶה שְׁבָעִים שָׁנָה: <sup>13</sup> וַיַּעַן יְהוָה אֶת־הַמַּלְאָךְ הַדֹּבֵר בִּי  
 דְּבָרִים טוֹבִים דְּבָרִים נְחֻמִּים: <sup>14</sup> וַיֹּאמֶר אֵלַי הַמַּלְאָךְ  
 הַדֹּבֵר בִּי קְרָא לֵאמֹר כֹּה אָמַר יְהוָה צְבָאוֹת קְנֵאתִי  
 לִירוּשָׁלַם וּלְצִיּוֹן קְנֵאָה גְדוּלָה: <sup>15</sup> וְקִצְף גְּדוֹל אֲנִי קִצְף  
 עַל־הַגּוֹיִם הַשְּׂאֲנָנִים אֲשֶׁר אֲנִי קִצְפְּתִי מֵעַט וְהֵמָּה עָזְרוּ  
 לָרָעָה: <sup>16</sup> לָכֵן כֹּה־אָמַר יְהוָה שְׁבַתִּי לִירוּשָׁלַם בְּרַחֲמִים  
 בֵּיתִי יִבְנֶה בָּהּ נְאֻם יְהוָה צְבָאוֹת [וְקוּה כ] [וְקוּ ק] יִנְטָה  
 עַל־ירוּשָׁלַם: <sup>17</sup> עוֹד | קְרָא לֵאמֹר כֹּה אָמַר יְהוָה צְבָאוֹת  
 עוֹד תְּפוּצִינָה עָרֵי מְטוֹב וְנַחֵם יְהוָה עוֹד אֶת־צִיּוֹן וּבַחַר  
 עוֹד בִּירוּשָׁלַם: <sup>18</sup>  $x(2-1)x$  וְאִשָּׁא אֶת־עֵינַי וְאָרָא  
 וְהִנֵּה אַרְבַּע קַרְנוֹת: <sup>19</sup>  $x(2-2)x$  וְאָמַר אֶל־הַמַּלְאָךְ  
 הַדֹּבֵר בִּי מִה־אֵלֶּה וַיֹּאמֶר אֵלַי אֵלֶּה הַקַּרְנוֹת אֲשֶׁר זָרוּ  
 אֶת־יְהוּדָה אֶת־יִשְׂרָאֵל וִירוּשָׁלַם: <sup>20</sup>  $x(2-3)x$  וַיִּרְאֵנִי  
 יְהוָה אַרְבַּעַת חֲרָשִׁים: <sup>21</sup>  $x(2-4)x$  וְאָמַר מֶה אֵלֶּה בָּאִים  
 לַעֲשׂוֹת וַיֹּאמֶר לֵאמֹר אֵלֶּה הַקַּרְנוֹת אֲשֶׁר־זָרוּ אֶת־יְהוּדָה  
 כְּפִי־אִישׁ לֹא־נִשָּׂא רֹאשׁוֹ וַיִּבְאוּ אֵלֶּה לְהַחְרִיד אֹתָם  
 לִידוֹת אֶת־קַרְנוֹת הַגּוֹיִם הַנְּשָׂאִים קַרְן־אֶל־אֶרֶץ יְהוּדָה  
 לְזָרוֹתָהּ: <sup>ס</sup>

**2** <sup>1</sup>  $x(2-5)x$  וְאִשָּׁא עֵינַי וְאָרָא וְהִנֵּה־אִישׁ וּבִידוֹ חֶבֶל  
 מִדָּה: <sup>2</sup>  $x(2-6)x$  וְאָמַר אָנֹכִי אֵתֶּךָ הֲלֹךְ וַיֹּאמֶר אֵלַי  
 לְמַד אֶת־ירוּשָׁלַם לְרֵאוֹת כְּמִה־רַחֲבָה וְכִמֵּה אֲרָכָה:  
<sup>3</sup>  $x(2-7)x$  וְהִנֵּה הַמַּלְאָךְ הַדֹּבֵר בִּי יָצָא וּמַלְאָךְ אַחֵר  
 יָצָא לְקִרְאָתוֹ: <sup>4</sup>  $x(2-8)x$  וַיֹּאמֶר אֵלַי רֵץ דְּבַר אֶל־הַנָּעַר  
 הַלֵּז לֵאמֹר פְּרוֹזוֹת תִּשָּׁב יְרוּשָׁלַם מֵרַב אָדָם וּבְהֵמָּה  
 בְּתוֹכָהּ: <sup>5</sup>  $x(2-9)x$  וְאֲנִי אֶהְיֶה־לָּהּ נְאֻם־יְהוָה חוֹמַת אֵשׁ  
 סָבִיב וּלְכָבוֹד אֶהְיֶה בְּתוֹכָהּ: <sup>6</sup>  $x(2-10)x$  הוּי הוּי  
 וְנָסוּ מֵאֶרֶץ צָפוֹן נְאֻם־יְהוָה כִּי כָּאֲרַבַּע רוּחוֹת הַשָּׁמַיִם  
 פָּרַשְׁתִּי אֶתְכֶם נְאֻם־יְהוָה: <sup>7</sup>  $x(2-11)x$  הוּי צִיּוֹן הַמְּלִטִי

יֹושֶׁבֶת בֵּת־בֶּבֶל: ס<sup>8</sup> x(2-12) x כִּי כֹה אָמַר יְהוָה  
 צְבָאוֹת אַחַר כְּבוֹד שְׁלַחְנִי אֶל־הַגּוֹיִם הַשְּׁלֵלִים אֲתֶכֶם כִּי  
 הִנְגַע בְּכֶם נֹגַע בְּבֵת עֵינֹו: <sup>9</sup>x(2-13) x כִּי הִנְנִי מִנִּיף  
 אֶת־יָדַי עֲלֵיהֶם וְהָיוּ שְׁלָל לְעַבְדֵיהֶם וַיִּדְעַתֶם כִּי־יְהוָה  
 צְבָאוֹת שְׁלַחְנִי: ס<sup>10</sup> x(2-14) x רִנִּי וְשִׂמְחִי בֵּת־צִיּוֹן  
 כִּי הִנְנִי־בָא וְשִׁכְנִתִּי בְּתוֹכְךָ נְאֻם־יְהוָה: <sup>11</sup>x(2-15) x  
 וְנָלוּו גּוֹיִם רַבִּים אֶל־יְהוָה בַּיּוֹם הַהוּא וְהָיוּ לִי לְעַם  
 וְשִׁכְנִתִּי בְּתוֹכְךָ וַיִּדְעַתְּ כִּי־יְהוָה צְבָאוֹת שְׁלַחְנִי אֵלֶיךָ:  
<sup>12</sup>x(2-16) x וְנָחַל יְהוָה אֶת־יְהוּדָה חֶלְקוֹ עַל אֲדַמַּת  
 הַקֹּדֶשׁ וּבָחַר עוֹד בִּירוּשָׁלַם: <sup>13</sup>x(2-17) x הִס כָּל־בָּשָׂר  
 מִפְּנֵי יְהוָה כִּי נַעוֹר מִמְעוֹן קִדְשׁוֹ: ס

**3** <sup>1</sup> וַיִּרְאֵנִי אֶת־יְהוֹשֻׁעַ הַכֹּהֵן הַגָּדוֹל עֹמֵד לִפְנֵי מַלְאָךְ  
 יְהוָה וְהַשָּׁטָן עֹמֵד עֲלֵי־מִינוֹ לְשֹׁטְנוֹ: <sup>2</sup> וַיֹּאמֶר יְהוָה  
 אֶל־הַשָּׁטָן יִגְעַר יְהוָה בְּךָ הַשָּׁטָן וַיִּגְעַר יְהוָה בְּךָ הַבָּחַר  
 בִּירוּשָׁלַם הַלּוֹא זֶה אוֹד מִצַּל מֵאֵשׁ: <sup>3</sup> וַיְהוֹשֻׁעַ הָיָה  
 לְבָשׁ בְּגָדִים צְוֹאִים וְעֹמֵד לִפְנֵי הַמַּלְאָךְ: <sup>4</sup> וַיַּעַן וַיֹּאמֶר  
 אֶל־הָעֹמְדִים לִפְנָיו לֵאמֹר הִסִּירוּ הַבְּגָדִים הַצְּוֹאִים מֵעָלַי  
 וַיֹּאמֶר אֵלָיו רְאֵה הָעֵבְרִיתִי מֵעָלֶיךָ עוֹנֵךְ וְהַלְבַּשׁ אֶתְךָ  
 מַחְלָצוֹת: <sup>5</sup> וַאֲמַר יִשִּׁימוּ צְנִיף טְהוֹר עַל־רֹאשׁוֹ וַיִּשִּׁימוּ  
 הַצְּנִיף הַטְּהוֹר עַל־רֹאשׁוֹ וַיִּלְבַּשְׁהוּ בְּגָדִים וּמַלְאָךְ יְהוָה  
 עֹמֵד: <sup>6</sup> וַיַּעַד מַלְאָךְ יְהוָה בִּיהוֹשֻׁעַ לֵאמֹר: <sup>7</sup> כֹּה־אָמַר  
 יְהוָה צְבָאוֹת אִם־בְּדַרְכֵי תֵלֵךְ וְאִם אֶת־מִשְׁמַרְתִּי תִשְׁמַר  
 וְגַם־אֶתָּה תִּדְיִן אֶת־בֵּיתִי וְגַם תִּשְׁמַר אֶת־חֲצָרֵי וְנִתְתִּי  
 לְךָ מֵהַלְכִים בֵּין הָעֹמְדִים הָאֵלֶּה: <sup>8</sup> שְׁמַע־נָא יְהוֹשֻׁעַ |  
 הַכֹּהֵן הַגָּדוֹל אֶתָּה וְרַעֲיֵךְ הַיֹּשְׁבִים לִפְנֶיךָ כִּי־אֲנֹשִׁי מוֹפֵת  
 הִמָּה כִּי־הִנְנִי מִבִּיא אֶת־עַבְדֵי צֶמַח: <sup>9</sup> כִּי | הִנֵּה הָאָבֶן  
 אֲשֶׁר נָתַתִּי לִפְנֵי יְהוֹשֻׁעַ עַל־אָבֶן אַחַת שִׁבְעָה עֵינַיִם  
 הִנְנִי מִפְתַּח פֶּתַח נְאֻם יְהוָה צְבָאוֹת וּמִשְׁתִּי אֶת־עוֹן

הָאֶרֶץ־הַהִיא בַיּוֹם אֶחָד: <sup>10</sup> בַּיּוֹם הַהוּא נָאֵם יְהוָה  
צְבָאוֹת תִּקְרְאוּ אִישׁ לְרֵעֵהוּ אֶל־תַּחַת גִּפְּן וְאֶל־תַּחַת  
תְּאֵנָה:

**4** <sup>1</sup> וַיֹּשֶׁב הַמַּלְאָךְ הַדֹּבֵר בִּי וַיַּעֲרִינִי כְּאִישׁ אֲשֶׁר־יַעֲוֹר  
מִשְׁנֵתוֹ: <sup>2</sup> וַיֹּאמֶר אֵלַי מָה אַתָּה רֹאֶה [וַיֹּאמֶר  
כ] (וַאֲמַר ק) רְאִיתִי | וְהִנֵּה מְנוֹרַת זָהָב כְּלֵה וּגְלָה  
עַל־רֵאשָׁה וְשִׁבְעָה נֹרְתִיהָ עָלֶיהָ שִׁבְעָה וְשִׁבְעָה מוֹצְקוֹת  
לְנֹרוֹת אֲשֶׁר עַל־רֵאשָׁה: <sup>3</sup> וּשְׁנַיִם זֵיתִים עָלֶיהָ אֶחָד מִיְמִין  
הַגְּלָה וְאֶחָד עַל־שְׂמֹאלָהּ: <sup>4</sup> וָאֶעַן וַאֲמַר אֶל־הַמַּלְאָךְ  
הַדֹּבֵר בִּי לֵאמֹר מִה־אֵלֶּה אֲדַנִּי: <sup>5</sup> וַיַּעַן הַמַּלְאָךְ הַדֹּבֵר  
בִּי וַיֹּאמֶר אֵלַי הֲלוֹא יָדַעְתָּ מִה־הֵמָּה אֵלֶּה וַאֲמַר לֹא  
אֲדַנִּי: <sup>6</sup> וַיַּעַן וַיֹּאמֶר אֵלַי לֵאמֹר זֶה דְּבַר־יְהוָה אֶל־זָרְבָבֶל  
לֵאמֹר לֹא בְּחֵיל וְלֹא בְּכַח כִּי אִם־בְּרוּחִי אֲמַר יְהוָה  
צְבָאוֹת: <sup>7</sup> מִי־אַתָּה הַרְהַגְדוֹל לִפְנֵי זָרְבָבֶל לְמִישֵׁר  
וְהוֹצִיא אֶת־הָאֶבֶן הַרֵאשָׁה תִּשְׂאוֹת חֹן חֹן לָהּ: <sup>8</sup> וַיְהִי  
דְּבַר־יְהוָה אֵלַי לֵאמֹר: <sup>9</sup> יְדֵי זָרְבָבֶל יִסְדּוּ הַבַּיִת הַזֶּה  
וַיְדִיּוּ תְּבַצְעֵנָה וַיִּדְעַתְּ כִּי־יְהוָה צְבָאוֹת שְׁלַחְנִי אֵלֵיכֶם:  
<sup>10</sup> כִּי מִי בַז לְיוֹם קִטְנוֹת וְשִׁמְחוּ וּרְאוּ אֶת־הָאֶבֶן הַבְּדִיל  
בְּיַד זָרְבָבֶל שִׁבְעָה־אֵלֶּה עֵינַי יְהוָה הֵמָּה מְשׁוֹטְטִים  
בְּכָל־הָאֶרֶץ: <sup>11</sup> וָאֶעַן וַאֲמַר אֵלָיו מִה־שְׁנֵי הַזֵּיתִים הָאֵלֶּה  
עַל־יְמִין הַמְּנוֹרָה וְעַל־שְׂמֹאלָהּ: <sup>12</sup> וָאֶעַן שָׁנִית וַאֲמַר  
אֵלָיו מִה־שְׁתֵּי שִׁבְלֵי הַזֵּיתִים אֲשֶׁר בְּיַד שְׁנֵי צְנֹתָרוֹת  
הַזֶּהָב הַמְרִיקִים מֵעֲלֵיהֶם הַזֶּהָב: <sup>13</sup> וַיֹּאמֶר אֵלַי לֵאמֹר  
הֲלוֹא יָדַעְתָּ מִה־אֵלֶּה וַאֲמַר לֹא אֲדַנִּי: <sup>14</sup> וַיֹּאמֶר אֵלֶּה  
שְׁנֵי בְנֵי־הַיְצָהָר הָעֹמְדִים עַל־אֲדוֹן כָּל־הָאֶרֶץ:

**5** <sup>1</sup> וְאָשׁוּב וְאִשָּׂא עֵינַי וְאָרְאָה וְהִנֵּה מְגִלָּה עָפָה:  
<sup>2</sup> וַיֹּאמֶר אֵלַי מָה אַתָּה רֹאֶה וַאֲמַר אֲנִי רֹאֶה מְגִלָּה  
עָפָה אֲרֻכָּה עֲשָׂרִים בָּאֵמָה וּרְחֵבָה עֶשֶׂר בָּאֵמָה:

<sup>3</sup> וַיֹּאמֶר אֵלַי זֹאת הָאֵלֶּה הַיּוֹצֵאת עַל־פְּנֵי כָל־הָאָרֶץ  
 כִּי כָל־הַגָּב מִזֶּה כְּמוֹהַ נְקָה וְכָל־הַנִּשְׁבַּע מִזֶּה כְּמוֹהַ  
 נְקָה: <sup>4</sup> הַיּוֹצֵאתֶיהָ נָאִם יְהוָה צְבָאוֹת וּבָאָה אֶל־בֵּית  
 הַגָּב וְאֶל־בֵּית הַנִּשְׁבַּע בְּשָׁמַי לִשְׁקֹר וְלִנְהַ בְּתוֹךְ בֵּיתוֹ  
 וְכָלְתוּ וְאֶת־עֲצֵיו וְאֶת־אֲבָנָיו: <sup>5</sup> וַיֵּצֵא הַמֶּלֶךְ הַדָּבָר  
 בִּי וַיֹּאמֶר אֵלַי שָׂא נָא עֵינֶיךָ וּרְאֵה מָה הַיּוֹצֵאת הַזֹּאת:  
<sup>6</sup> וַאֲמַר מִה־הִיא וַיֹּאמֶר זֹאת הָאֵיפָה הַיּוֹצֵאת וַיֹּאמֶר  
 זֹאת עֵינָם בְּכָל־הָאָרֶץ: <sup>7</sup> וְהִנֵּה כִכָּר עֶפְרַת נִשְׂאת וְזֹאת  
 אִשָּׁה אַחַת יוֹשֶׁבֶת בְּתוֹךְ הָאֵיפָה: <sup>8</sup> וַיֹּאמֶר זֹאת הַרְשָׁעָה  
 וַיִּשְׁלַךְ אֶתָּה אֶל־תוֹךְ הָאֵיפָה וַיִּשְׁלַךְ אֶת־אֲבָן הָעֶפְרַת  
 אֶל־פִּיהָ: ס <sup>9</sup> וְאִשָּׁא עֵינַי וָאֵרָא וְהִנֵּה שְׁתֵּים נָשִׁים  
 יוֹצְאוֹת וְרוּחַ בְּכֹנְפֵיהֶם וְלִהְנֶה כֹּנָפִים כְּכֹנְפֵי הַחֲסִידָה  
 וְתִשָּׂאנָה אֶת־הָאֵיפָה בֵּין הָאָרֶץ וּבֵין הַשָּׁמַיִם: <sup>10</sup> וַאֲמַר  
 אֶל־הַמֶּלֶךְ הַדָּבָר בִּי אָנֹכִי הֵמָּה מוֹלְכוֹת אֶת־הָאֵיפָה:  
<sup>11</sup> וַיֹּאמֶר אֵלַי לְבָנוֹת־לָהּ בֵּית בְּאָרֶץ שְׁנַעַר וְהוֹכֵן  
 וְהַנִּיחָה שָׁם עַל־מְכַנְתָּהּ: ס

**6** <sup>1</sup> וַאֲשַׁב וְאִשָּׁא עֵינַי וָאֵרָאָה וְהִנֵּה אַרְבַּע מִרְכָּבוֹת  
 יֹצְאוֹת מִבֵּין שְׁנֵי הַהָרִים וְהַהָרִים הָרִי נְחֹשֶׁת:  
<sup>2</sup> בְּמִרְכָּבָה הָרֵאשֹׁנָה סוֹסִים אֲדָמִים וּבְמִרְכָּבָה הַשְּׁנִית  
 סוֹסִים שְׁחָרִים: <sup>3</sup> וּבְמִרְכָּבָה הַשְּׁלִישִׁית סוֹסִים לְבָנִים  
 וּבְמִרְכָּבָה הָרְבַעִית סוֹסִים בְּרָדִים אֲמָצִים: <sup>4</sup> וָאֵעַן וַאֲמַר  
 אֶל־הַמֶּלֶךְ הַדָּבָר בִּי מִה־אֵלֶּה אֲדֹנָי: <sup>5</sup> וַיַּעַן הַמֶּלֶךְ  
 וַיֹּאמֶר אֵלַי אֵלֶּה אַרְבַּע רְחוֹת הַשָּׁמַיִם יוֹצְאוֹת מִהַתִּיצָב  
 עַל־אֲדוֹן כָּל־הָאָרֶץ: <sup>6</sup> אֲשֶׁר־בָּהּ הַסּוֹסִים הַשְּׁחָרִים  
 יֹצְאִים אֶל־אָרֶץ צָפוֹן וְהַלְבָּנִים יֹצְאוּ אֶל־אַחֲרֵיהֶם  
 וְהַבְּרָדִים יֹצְאוּ אֶל־אָרֶץ הַתִּימָן: <sup>7</sup> וְהָאֲמָצִים יֹצְאוּ  
 וַיִּבְקְשׁוּ לְלַכֵּת לְהַתְּהַלֵּךְ בְּאָרֶץ וַיֹּאמֶר לָכוּ הַתְּהַלְכוּ  
 בְּאָרֶץ וְתַתְּהַלְכוּ בְּאָרֶץ: <sup>8</sup> וַיִּזְעַק אֶתִּי וַיְדַבֵּר אֵלַי לֵאמֹר

רָאָה הַיּוֹצֵאִים אֶל־אֶרֶץ צָפוֹן הַנִּיחוּ אֶת־רוּחִי בְּאֶרֶץ  
 צָפוֹן: ס<sup>9</sup> וַיְהִי דְבַר־יְהוָה אֵלַי לֵאמֹר: <sup>10</sup> לְקוֹחַ מֵאֵת  
 הַגּוֹלָה מִחִלְדֵי וּמֵאֵת טוֹבִיָּה וּמֵאֵת יַדְעִיָּה וּבָאתְ אֵתָהּ  
 בַּיּוֹם הַהוּא וּבָאתְ בֵּית יִאֲשִׁיָּה בֶן־צַפְנִיָּה אֲשֶׁר־בָּאוּ  
 מִבָּבֶל: <sup>11</sup> וְלִקְחֵת כֶּסֶף־זָהָב וְעָשִׂיתְ עֲטוּרוֹת וְשָׂמֵת  
 בְּרֹאשׁ יְהוֹשֻׁעַ בֶּן־יְהוֹצָדָק הַכֹּהֵן הַגָּדוֹל: <sup>12</sup> וְאָמַרְתְּ אֵלָיו  
 לֵאמֹר כֹּה אָמַר יְהוָה צְבָאוֹת לֵאמֹר הִנֵּה־אִישׁ צִמַּח שָׁמוֹ  
 וּמִתְחַתּוֹ יִצְמַח וּבָנָה אֶת־הֵיכַל יְהוָה: <sup>13</sup> וְהוּא יִבְנֶה  
 אֶת־הֵיכַל יְהוָה וְהוּא־יִשָּׂא הוֹד וְיֵשֵׁב וּמִשַׁל עַל־כִּסְאוֹ  
 וְהָיָה כֹהֵן עַל־כִּסְאוֹ וְעֵצַת שְׁלוֹם תִּהְיֶה בֵּין שְׁנֵיהֶם:  
<sup>14</sup> וְהָעִטְרַת תִּהְיֶה לְחֶלֶם וּלְטוֹבִיָּה וְלִידְעִיָּה וְלַחֵן  
 בֶּן־צַפְנִיָּה לְזָכְרוֹן בְּהֵיכַל יְהוָה: <sup>15</sup> וּרְחוּקִים יִבָּאוּ וּבָנוּ  
 בְּהֵיכַל יְהוָה וַיִּדְעֵתֶם כִּי־יְהוָה צְבָאוֹת שְׁלַחְנִי אֵלֵיכֶם  
 וְהָיָה אִם־שָׁמוֹעַ תִּשְׁמָעוּן בְּקוֹל יְהוָה אֱלֹהֵיכֶם: ס  
**7** <sup>1</sup> וַיְהִי בַשָּׁנָה אַרְבַּע לְדַרְיוֹשׁ הַמֶּלֶךְ הָיָה דְבַר־יְהוָה  
 אֶל־זַכְרְיָה בְּאַרְבַּעַה לַחֹדֶשׁ הַתְּשַׁעִי בְּכִסְלוֹ: <sup>2</sup> וַיִּשְׁלַח  
 בֵּית־אֵל שַׂר־אֶצֶר וְרָגַם מֶלֶךְ וְאַנְשָׁיו לְחַלּוֹת אֶת־פְּנֵי  
 יְהוָה: <sup>3</sup> לֵאמֹר אֶל־הַכֹּהֲנִים אֲשֶׁר לְבֵית־יְהוָה צְבָאוֹת  
 וְאֶל־הַנְּבִיאִים לֵאמֹר הֲאֵבֶכֶה בַּחֹדֶשׁ הַחֲמִשִּׁי הַנֶּזֶר  
 כְּאֲשֶׁר עָשִׂיתִי זֶה כְּמָה שָׁנִים: פ<sup>4</sup> וַיְהִי דְבַר־יְהוָה צְבָאוֹת  
 אֵלַי לֵאמֹר: <sup>5</sup> אָמַר אֶל־כָּל־עַם הָאֶרֶץ וְאֶל־הַכֹּהֲנִים לֵאמֹר  
 כִּי־צִמַּמְתֶּם וּסְפוּד בַּחֲמִישִׁי וּבַשְּׁבִיעִי זֶה שְׁבַעִים שָׁנָה  
 הָצוּם צִמַּמְתִּי אֲנִי: <sup>6</sup> וְכִי תֹאכְלוּ וְכִי תִשְׁתּוּ הֲלוֹא אִתְּם  
 הָאֲכָלִים וְאִתְּם הַשְּׂתִים: <sup>7</sup> הֲלוֹא אֶת־הַדְּבָרִים אֲשֶׁר קָרָא  
 יְהוָה בְּיַד הַנְּבִיאִים הָרִאשׁוֹנִים בְּהִיּוֹת יְרוּשָׁלַם יִשְׁבֵּת  
 וְשָׁלוֹה וְעָרִיָּה סְבִיבֹתֶיהָ וְהִנֵּגְבָהּ וְהַשְׁפִּלָּה יֵשֵׁב: פ<sup>8</sup> וַיְהִי  
 דְבַר־יְהוָה אֶל־זַכְרְיָה לֵאמֹר: <sup>9</sup> כֹּה אָמַר יְהוָה צְבָאוֹת  
 לֵאמֹר מִשְׁפַּט אֶמֶת שִׁפְטוּ וְחֹסֵד וְרַחֲמִים עֲשׂוּ אִישׁ

אֶת־אֲחִיו: <sup>10</sup> וְאֶלְמָנָה וַיִּתּוּם גַּר וְעַנִּי אֶל־תַּעֲשָׂקוּ וְרַעַת  
 אִישׁ אֲחִיו אֶל־תַּחֲשָׁבוּ בְלִבְבְּכֶם: <sup>11</sup> וַיִּמָּאֲנוּ לְהַקְשִׁיב  
 וַיִּתְּנוּ כֶּתֶף סָרְרַת וְאֶזְנֵיהֶם הִכְבִּידוּ מִשְׁמוּעַ: <sup>12</sup> וְלִבָּם  
 שָׁמוּ שְׁמִיר מִשְׁמוּעַ אֶת־הַתּוֹרָה וְאֶת־הַדְּבָרִים אֲשֶׁר  
 שָׁלַח יְהוָה צְבָאוֹת בְּרוּחוֹ בְּיַד הַנְּבִיאִים הָרִאשׁוֹנִים וַיְהִי  
 קֶצֶף גָּדוֹל מֵאֵת יְהוָה צְבָאוֹת: <sup>13</sup> וַיְהִי כֹאֲשֶׁר־קָרָא  
 וְלֹא שָׁמְעוּ כֵּן יִקְרָאוּ וְלֹא אֲשַׁמַּע אָמַר יְהוָה צְבָאוֹת:  
<sup>14</sup> וְאֶסְעָרֶם עַל כָּל־הַגּוֹיִם אֲשֶׁר לֹא־יִדְעוּם וְהָאָרֶץ נִשְׁמָה  
 אַחֲרֵיהֶם מֵעֵבֶר וּמִשֵּׁב וַיִּשְׁימוּ אֶרֶץ־חַמְדָּה לְשִׁמָּה: פ  
**8** וַיְהִי דְבַר־יְהוָה צְבָאוֹת לֵאמֹר: <sup>2</sup> כֹּה אָמַר יְהוָה  
 צְבָאוֹת קִנְיַתִּי לְצִיּוֹן קִנְיָה גְדוֹלָה וְחִמָּה גְדוֹלָה  
 קִנְיַתִּי לָהּ: <sup>3</sup> כֹּה אָמַר יְהוָה בְּתִי אֶל־צִיּוֹן וְשִׁכַנְתִּי  
 בְּתוֹךְ יְרוּשָׁלַם וְנִקְרָאָה יְרוּשָׁלַם עִיר־הָאֱמֶת וְהָרִ־יְהוָה  
 צְבָאוֹת הָרַקְדָּשׁ: ס <sup>4</sup> כֹּה אָמַר יְהוָה צְבָאוֹת עַד  
 יֵשְׁבוּ זְקֵנִים וְזִקְנוֹת בְּרַחְבוֹת יְרוּשָׁלַם וְאִישׁ מִשְׁעַנְתּוֹ  
 בְּיָדוֹ מֵרֵב יָמִים: <sup>5</sup> וּרְחֻבוֹת הָעִיר יִמְלְאוּ יְלָדִים וַיִּלְדוּת  
 מִשְׁחֻקִים בְּרַחְבֹּתֶיהָ: ס <sup>6</sup> כֹּה אָמַר יְהוָה צְבָאוֹת כִּי  
 יִפְלֹא בְּעֵינַי שְׂאֵרִית הָעָם הַזֶּה בַּיָּמִים הָהֵם גַּם־בְּעֵינַי  
 יִפְלֹא נָאִם יְהוָה צְבָאוֹת: פ <sup>7</sup> כֹּה אָמַר יְהוָה צְבָאוֹת  
 הִנְנִי מוֹשִׁיעַ אֶת־עַמִּי מֵאֶרֶץ מִזְרַח וּמֵאֶרֶץ מְבֹוא הַשֶּׁמֶשׁ:  
<sup>8</sup> וְהִבֵּאתִי אֹתָם וְשִׁכְנֵנוּ בְּתוֹךְ יְרוּשָׁלַם וְהִירִלִי לְעָם  
 וְאֲנִי אֶהְיֶה לָהֶם לְאֱלֹהִים בְּאֱמֶת וּבִצְדָקָה: ס <sup>9</sup> כֹּה־אָמַר  
 יְהוָה צְבָאוֹת תַּחֲזַקְנָה יְדֵיכֶם הַשְׁמַעִים בַּיָּמִים הָאֵלֶּה  
 אֶת הַדְּבָרִים הָאֵלֶּה מִפִּי הַנְּבִיאִים אֲשֶׁר בְּיוֹם יוֹסֵד  
 בֵּית־יְהוָה צְבָאוֹת הַהִיכָל לְהַבְנוֹת: <sup>10</sup> כִּי לִפְנֵי הַיָּמִים  
 הָהֵם שָׁכַר הָאָדָם לֹא נִהְיָה וְשָׁכַר הַבְּהֵמָה אֵינָנָה וְלִיוֹצֵא  
 וְלִבָּא אִין־שְׁלוֹם מִן־הָצָר וְאֶשְׁלַח אֶת־כָּל־הָאָדָם אִישׁ  
 בְּרַעְהוֹ: <sup>11</sup> וְעַתָּה לֹא כִימִים הָרִאשׁוֹנִים אֲנִי לְשֵׂאֵרִית

הָעַם הַזֶּה נָאִם יְהוָה צְבָאוֹת: <sup>12</sup> כִּי־זָרַע הַשָּׁלוֹם הִגָּפֶן  
 תִּתֵּן פְּרִיָּה וְהָאֲרֶזְךָ תִּתֵּן אֶת־יְבוּלָהּ וְהַשָּׁמַיִם יִתְּנוּ טָלָם  
 וְהִנְחַלְתִּי אֶת־שְׂאֵרֵיט הָעַם הַזֶּה אֶת־כָּל־אֱלֹהִים: <sup>13</sup> וְהָיָה  
 כַּאֲשֶׁר הָיִיתֶם קָלְלָה בְּגוֹיִם בֵּית יְהוּדָה וּבֵית יִשְׂרָאֵל  
 כֵּן אוֹשִׁיעַ אֶתְכֶם וְהָיִיתֶם בְּרֻכָּה אֶל־תִּירָאוּ תַחֲזַקְנָה  
 יְדֵיכֶם: ס <sup>14</sup> כִּי כֹה אָמַר יְהוָה צְבָאוֹת כַּאֲשֶׁר זָמַמְתִּי  
 לְהִרְעוֹת לָכֶם בְּהִקְצִיף אֲבֹתֵיכֶם אֹתִי אָמַר יְהוָה צְבָאוֹת  
 וְלֹא נִחַמְתִּי: <sup>15</sup> כֵּן שַׁבְּתִי זָמַמְתִּי בַיָּמִים הָאֵלֶּה לְהִיטִיב  
 אֶת־יְרוּשָׁלַם וְאֶת־בַּיִת יְהוּדָה אֶל־תִּירָאוּ: <sup>16</sup> אֱלֹהִים  
 הַדְּבָרִים אֲשֶׁר תַּעֲשׂוּ דַבְּרוּ אִמֶּת אִישׁ אֶת־רַעְהוֹ אִמֶּת  
 וּמִשְׁפַּט שָׁלוֹם שִׁפְטוּ בְּשַׁעֲרֵיכֶם: <sup>17</sup> וְאִישׁ | אֶת־רַעַת  
 רַעְהוֹ אֶל־תַּחֲשְׁבוּ בַלְבַּבְכֶם וּשְׁבַעַת שֶׁקֶר אֶל־תֹּאֲהֲבוּ  
 כִּי אֶת־כָּל־אֱלֹהִים אֲשֶׁר שָׁנֵאתִי נָאִם־יְהוָה: ס <sup>18</sup> וְהָיָה  
 דְּבַר־יְהוָה צְבָאוֹת אֵלַי לֵאמֹר: <sup>19</sup> כֹּה־אָמַר יְהוָה צְבָאוֹת  
 צוֹם הַרְבִּיעִי וְצוֹם הַחֲמִישִׁי וְצוֹם הַשְּׁבִיעִי וְצוֹם הָעֶשְׂרִי  
 יְהִיָּה לְבֵית־יְהוּדָה לְשִׁשּׁוֹן וּלְשִׁמְחָה וּלְמַעֲדִים טוֹבִים  
 וְהָאִמֶּת וְהַשָּׁלוֹם אֲהָבוּ: פ <sup>20</sup> כֹּה אָמַר יְהוָה צְבָאוֹת עַד  
 אֲשֶׁר יָבֹאוּ עִמִּים וַיִּשְׁבְּי עָרִים רַבּוֹת: <sup>21</sup> וְהָלְכוּ יִשְׁבְּי  
 אַחַת אֶל־אַחַת לֵאמֹר נִלְכָה הַלּוֹךְ לְחַלּוֹת אֶת־פְּנֵי יְהוָה  
 וּלְבַקֵּשׁ אֶת־יְהוָה צְבָאוֹת אֲלֵכָה גַם־אֲנִי: <sup>22</sup> וּבֹאוּ עִמִּים  
 רַבִּים וְגוֹיִם עֲצוּמִים לְבַקֵּשׁ אֶת־יְהוָה צְבָאוֹת בִּירוּשָׁלַם  
 וּלְחַלּוֹת אֶת־פְּנֵי יְהוָה: ס <sup>23</sup> כֹּה אָמַר יְהוָה צְבָאוֹת  
 בַּיָּמִים הַהֵמָּה אֲשֶׁר יַחֲזִיקוּ עֲשָׂרָה אֲנָשִׁים מִכָּל לְשׁוֹנֹת  
 הַגּוֹיִם וְהַחֲזִיקוּ בְּכַנֶּף אִישׁ יְהוּדִי לֵאמֹר נִלְכָה עִמָּכֶם כִּי  
 שָׁמַעְנוּ אֱלֹהִים עִמָּכֶם: ס

**9** <sup>1</sup> מִשָּׂא דְבַר־יְהוָה בְּאֶרֶץ חֲדָרָךְ וּדְמָשֶׁק מִנְחָתוֹ כִּי  
 לִיהוָה עֵין אָדָם וְכָל שַׁבְּטֵי יִשְׂרָאֵל: <sup>2</sup> וְגַם־חַמַּת  
 תִּגְבַּל־בָּה צָר וְצִידוֹן כִּי חֲכָמָה מָאֵד: <sup>3</sup> וְתִבֶן צָר מְצוֹר



לה ותצבר־כסף כעפר וחרוץ כטיט חוצות: <sup>4</sup> הנה אדני  
 יורשנה והכה בים חילה והיא באש תאכל: <sup>5</sup> תרא  
 אשקלון ותירא ועזה ותחיל מאד ועקרון כיהביש  
 מבטה ואבד מלך מעזה ואשקלון לא תשב: <sup>6</sup> וישב  
 ממזר באשדוד והכרתי גאון פלשתים: <sup>7</sup> והסרתי דמיו  
 מפיו ושקציו מבין שניו ונשאר גם־הוא לאלהינו והיה  
 כאלף ביהודה ועקרון כיבوسی: <sup>8</sup> וחניתי לביתי מצבה  
 מעבר ומשב ולא־יעבר עליהם עוד נגש כי עתה ראיתי  
 בעיני: <sup>9</sup> ס גילי מאד בת־ציון הריעי בת ירושלם הנה  
 מלך יבוא לך צדיק ונושע הוא עני ורכב על־חמור  
 ועל־עיר בן־אתנות: <sup>10</sup> והכרתי־רכב מאפרים וסוס  
 מירושלם ונכרתה קשת מלחמה ודבר שלום לגוים  
 ומשלו מים עד־ים ומנהר עד־אפסי־ארץ: <sup>11</sup> גם־את  
 בדם־בריתך שלחתי אֶסיריך מבור אין מים בו: <sup>12</sup> ובו  
 לבצרון אֶסירי התקוה גם־היום מגיד משנה אשיב לך:  
<sup>13</sup> כי־דרכתי לי יהודה קשת מלאתי אפרים ועוררתי  
 בניך ציון על־בניך יון ושמתיך כחרב גבור: <sup>14</sup> ויהוה  
 עליהם יראה ויצא כברק חצו ואדני יהוה בשופר  
 יתקע והלך בסערות תימן: <sup>15</sup> יהוה צבאות יגן עליהם  
 ואכלו וכבשו אבני־קלע ושתו המו כמריין ומלאו  
 כמזרק כזויות מזבח: <sup>16</sup> והושיעם יהוה אלהיהם ביום  
 ההוא כצאן עמו כי אבני־נזר מתנוססות על־אדמתו:  
<sup>17</sup> כי מה־טובו ומה־יפיו דגן בחורים ותירוש ינובב  
 בתלות:

<sup>1</sup> שאֵלו מיהוה מטר בעת מלקוש יהוה עשה  
**10** חזיזים ומטר־גשם יתן להם לאיש עשב בשדה:  
<sup>2</sup> כי התרפים דבר־און והקוסמים חזו שקר וחלמות  
 השוא ידברו הבל ינחמון על־כן נסעו כמור־צאן יענו

כִּי־אֵין רְעָה: פ<sup>3</sup> עַל־הָרְעִים חָרָה אָפִי וְעַל־הַעֲתוּדִים  
 אֶפְקֹד כִּי־פָקֵד יְהוָה צָבָאוֹת אֶת־עַדְרוֹ אֶת־בַּיִת יְהוּדָה  
 וְשֵׁם אוֹתָם כְּסוֹס הוּדוֹ בַּמִּלְחָמָה: <sup>4</sup> מִמֶּנּוּ פָנָה מִמֶּנּוּ יִתַּד  
 מִמֶּנּוּ קֶשֶׁת מִלְחָמָה מִמֶּנּוּ יֵצֵא כָל־נוֹגֵשׁ יַחְדּוֹ: <sup>5</sup> וְהָיוּ  
 כַּגְּבָרִים בּוֹסִים בְּטִיט חוּצוֹת בַּמִּלְחָמָה וְנִלְחְמוּ כִּי יְהוָה  
 עִמָּם וְהִבִּישׁוּ רֶכְבֵי סוּסִים: <sup>6</sup> וְגִבְרָתִי | אֶת־בַּיִת יְהוּדָה  
 וְאֶת־בַּיִת יוֹסֵף אוֹשִׁיעַ וְהוֹשִׁבוֹתִים כִּי רַחֲמַתִּים וְהָיוּ  
 כַּאֲשֶׁר לֹא־זִנְחַתִּים כִּי אֲנִי יְהוָה אֱלֹהֵיהֶם וְאֶעֱנֶם: <sup>7</sup> וְהָיוּ  
 כַּגְּבוֹר אֶפְרַיִם וְשֹׁמֵחַ לֵבָם כַּמֹּרִיִן וּבְנֵיהֶם יֵרְאוּ וְשִׁמְחוּ  
 יַגַּל לֵבָם בִּיהוָה: <sup>8</sup> אֲשֶׁרֶקָה לָהֶם וְאֶקְבָּצֵם כִּי פְדִיתִים  
 וְרָבוּ כְמוֹ רֶבּוֹ: <sup>9</sup> וְאֶזְרְעֵם בְּעַמִּים וּבַמְרַחֲקִים יִזְכְּרוּנִי  
 וְחָיוּ אֶת־בְּנֵיהֶם וְשָׁבוּ: <sup>10</sup> וְהִשִּׁיבוֹתִים מֵאֶרֶץ מִצְרַיִם  
 וּמֵאֲשׁוּר אֶקְבָּצֵם וְאֶל־אֶרֶץ גִּלְעָד וּלְבָנוֹן אָבִיָּאם וְלֹא  
 יִמָּצֵא לָהֶם: <sup>11</sup> וְעָבַר בֵּינָם צָרָה וְהִכָּה בֵּינָם גְּלִים וְהִבִּישׁוּ  
 כָּל מְצוּלוֹת יָאֵר וְהוֹרֵד גָּאוֹן אֲשׁוּר וְשָׁבֹט מִצְרַיִם יִסּוֹר:  
<sup>12</sup> וְגִבְרָתִים בִּיהוָה וּבִשְׁמוֹ יִתְהַלְכוּ נְאֻם יְהוָה: ס

**11** פֶּתַח לְבָנוֹן דִּלְתֵיךָ וְתֹאכַל אֵשׁ בְּאַרְזֵיךָ: <sup>2</sup> הִילֵל  
 בְּרוֹשׁ כִּי־נִפְל אֶרֶז אֲשֶׁר אֲדָרִים שִׁדְדוֹ הִילִילוּ  
 אֲלוֹנֵי בֶשֶׁן כִּי יֵרֵד יַעַר [הַבְּצוֹר כ] (הַבְּצִיר: ק) <sup>3</sup> קוֹל  
 יִלְלַת הָרְעִים כִּי שִׁדְדָה אֲדָרְתָם קוֹל שֹׁאֲגַת כְּפִירִים כִּי  
 שִׁדְדָה גָּאוֹן הִירְדָן: ס <sup>4</sup> כֹּה אָמַר יְהוָה אֱלֹהֵי רְעָה אֶת־צֹאן  
 הַהֶרְגָה: <sup>5</sup> אֲשֶׁר קִנִּיהֶן יִהְרָגוּ וְלֹא יֵאָשְׁמוּ וּמִכְרִיהֶן יֵאמַר  
 בְּרוּךְ יְהוָה וְאֶעֱשֶׂר וְרַעִיהֶם לֹא יַחְמוֹל עֲלֵיהֶן: <sup>6</sup> כִּי  
 לֹא אַחְמוֹל עוֹד עַל־יִשְׁבֵי הָאֶרֶץ נְאֻם־יְהוָה וְהִנֵּה אֲנֹכִי  
 מִמְּצִיא אֶת־הָאָדָם אִישׁ בְּיַד־רַעְהוֹ וּבְיַד מַלְכוֹ וְכַתְּתוֹ  
 אֶת־הָאֶרֶץ וְלֹא אֲצִיל מִיָּדָם: <sup>7</sup> וְאַרְעָה אֶת־צֹאן הַהֶרְגָה  
 לְכֹן עֲנִי הַצֹּאן וְאֶקְחֶלִי שְׁנֵי מַקְלוֹת לְאֶחָד קִרְאֵתִי  
 נַעַם וְלְאֶחָד קִרְאֵתִי חֲבָלִים וְאַרְעָה אֶת־הַצֹּאן: <sup>8</sup> וְאֶכְחָד

אֶת־שְׁלֶשֶׁת הָרָעִים בִּירַח אֶחָד וְתִקְצַר נַפְשֵׁי בָהֶם  
 וְגַם־נַפְשָׁם בְּחֹלָה בִּי: <sup>9</sup> וְאָמַר לֹא אֲרַעָה אֶתְכֶם הַמַּתָּה  
 תָּמוֹת וְהַנִּכְחָדֶת תִּכְחַד וְהַנִּשְׁאָרוֹת תֹּאכְלֶנָּה אֲשֶׁה  
 אֶת־בָּשָׂר רַעוּתָהּ: <sup>10</sup> וְאָקַח אֶת־מִקְלֵי אֶת־נְעָם וְאֶגְדַּע  
 אֹתוֹ לְהַפִּיר אֶת־בְּרִיתִי אֲשֶׁר כָּרַתִּי אֶת־כָּל־הָעַמִּים:  
<sup>11</sup> וְתִפֹּר בַּיּוֹם הַהוּא וַיִּדְעוּ כֵן עֲנִי הַצֹּאן הַשְּׁמֵרִים אֹתִי  
 כִּי דִבַּרְתִּיהוֹן הוּא: <sup>12</sup> וְאָמַר אֲלֵיהֶם אִם־טוֹב בְּעֵינֵיכֶם  
 הָבוּ שְׂכָרִי וְאִם־לֹא | חֲדָלוּ וַיִּשְׁקְלוּ אֶת־שְׂכָרֵי שְׁלֹשִׁים  
 כֶּסֶף: <sup>13</sup> וַיֹּאמֶר יְהוָה אֵלַי הַשְּׁלִיכוּהוּ אֶל־הַיּוֹצֵר אֶדָּר  
 הַיָּקָר אֲשֶׁר יִקְרָתִי מֵעֲלֵיהֶם וְאֶקַּח שְׁלֹשִׁים הַכֶּסֶף  
 וְאֲשַׁלֵּךְ אֹתוֹ בֵּית יְהוָה אֶל־הַיּוֹצֵר: <sup>14</sup> וְאֶגְדַּע אֶת־מִקְלֵי  
 הַשְּׁנִי אֶת הַחֲבָלִים לְהַפִּיר אֶת־הָאֲחוּהָ בֵּין יְהוּדָה וּבֵין  
 יִשְׂרָאֵל: <sup>15</sup> וַיֹּאמֶר יְהוָה אֵלַי עוֹד קַח־לָךְ כָּלִי רַעָה  
 אֲוֹלִי: <sup>16</sup> כִּי הִנֵּה־אֲנִי מִקִּים רַעָה בְּאַרְץ הַנִּכְחָדוֹת  
 לֹא־יִפְקֹד הַנְּעָר לֹא־יִבְקֹשׁ וְהַנִּשְׁבָּרֶת לֹא יִרְפָּא הַנֹּצֵבָה  
 לֹא יִכְלָכֵל וּבָשָׂר הַבְּרִיאָה יֹאכֵל וּפְרָסִיחַן יִפְרֹק: <sup>17</sup> ס  
 הוּי רַעִי הָאֵלִיל עֲזָבִי הַצֹּאן חָרַב עַל־זֵרוּעוֹ וְעַל־עֵין  
 יִמִּינוֹ זָרְעוֹ יָבוֹשׁ תִּיבֹשׁ וְעֵין יִמִּינוֹ כָּהָה תִּכְהָה: <sup>18</sup> ס  
<sup>1</sup> מִשָּׂא דְבַר־יְהוָה עַל־יִשְׂרָאֵל נְאֻם־יְהוָה נְטָה  
**12** שָׁמַיִם וַיִּסַּד אֶרֶץ וַיִּצַּר רוּח־אָדָם בְּקִרְבּוֹ: <sup>2</sup> פ  
<sup>2</sup> הִנֵּה אֲנִי שֵׁם אֶת־יְרוּשָׁלַם סַף־רַעַל לְכָל־הָעַמִּים  
 סָבִיב וְגַם עַל־יְהוּדָה יִהְיֶה בְּמִצּוֹר עַל־יְרוּשָׁלַם:  
<sup>3</sup> וְהָיָה בַּיּוֹם־הַהוּא אֲשֵׁים אֶת־יְרוּשָׁלַם אֲבָן מֵעַמָּסָה  
 לְכָל־הָעַמִּים כָּל־עַמָּסִיָּה שְׁרוּט יִשְׁרָטוּ וְנֹאסְפוּ עָלֶיהָ  
 כָּל גּוֹיֵי הָאָרֶץ: <sup>4</sup> בַּיּוֹם הַהוּא נְאֻם־יְהוָה אֶכָּה כָּל־סוֹס  
 בַּתְּמָהוֹן וְרֹכְבוֹ בַשְּׂגָעוֹן וְעַל־בֵּית יְהוּדָה אֶפְקַח  
 אֶת־עֵינַי וְכָל סוֹס הָעַמִּים אֶכָּה בְּעוֹרוֹן: <sup>5</sup> וְאָמְרוּ  
 אֲלֵפִי יְהוּדָה בְּלָבָם אֲמָצָה לִי יִשְׁבִּי יְרוּשָׁלַם בִּיהוֹה

צְבָאוֹת אֱלֹהֵיהֶם: <sup>6</sup> בְּיוֹם הַהוּא אֲשִׁים אֶת־אֶלְפֵי יְהוּדָה כְּכִיּוֹר אֵשׁ בְּעֵצִים וְכַלְפִּיד אֵשׁ בְּעֵמִיר וְאָכְלוּ עַל־יְמִין וְעַל־שְׂמֹאל אֶת־כָּל־הָעַמִּים סָבִיב וַיֵּשְׁבֶה יְרוּשָׁלַם עוֹד תַּחְתֶּיהָ בִּירוּשָׁלַם: פ <sup>7</sup> וְהוֹשִׁיעַ יְהוָה אֶת־אֶהְלֵי יְהוּדָה בְּרֵאשִׁנָּה לְמַעַן לֹא־תִגְדַּל תִּפְאֶרֶת בֵּית־דָּוִד וְתִפְאֶרֶת יֹשֵׁב יְרוּשָׁלַם עַל־יְהוּדָה: <sup>8</sup> בְּיוֹם הַהוּא יִגַּן יְהוָה בְּעַד יוֹשֵׁב יְרוּשָׁלַם וְהָיָה הַנֹּכְשָׁל בָּהֶם בְּיוֹם הַהוּא כְּדָוִד וּבֵית דָּוִד כְּאֵלֵהִים כְּמֶלֶךְ יְהוָה לִפְנֵיהֶם: <sup>9</sup> וְהָיָה בְּיוֹם הַהוּא אֲבָקֶשׁ לְהִשְׁמִיד אֶת־כָּל־הַגּוֹיִם הַבָּאִים עַל־יְרוּשָׁלַם: <sup>10</sup> וְשִׁפְכְּתִי עַל־בֵּית דָּוִד וְעַל יוֹשֵׁב יְרוּשָׁלַם רוּחַ חַן וְתַחֲנוּנִים וְהִבִּיטוּ אֵלַי אֶת אֲשֶׁר־דָּקְרוּ וְסָפְדוּ עָלָיו כְּמִסְפַּד עַל־הַיָּחִיד וְהִמְרָ עָלָיו כְּהִמְרָ עַל־הַבְּכוֹר: <sup>11</sup> בְּיוֹם הַהוּא יִגְדַּל הַמִּסְפָּד בִּירוּשָׁלַם כְּמִסְפַּד הַדְּדֵר־רִמּוֹן בְּבִקְעַת מַגְדּוֹן: <sup>12</sup> וְסָפְדָה הָאָרֶץ מִשְׁפָּחוֹת מִשְׁפָּחוֹת לְבָד מִשְׁפַּחַת בֵּית־דָּוִד לְבָד וּנְשֵׁיהֶם לְבָד מִשְׁפַּחַת בֵּית־נָתָן לְבָד וּנְשֵׁיהֶם לְבָד: <sup>13</sup> מִשְׁפַּחַת בֵּית־לֹוִי לְבָד וּנְשֵׁיהֶם לְבָד מִשְׁפַּחַת הַשֹּׁמְעֵי לְבָד וּנְשֵׁיהֶם לְבָד: <sup>14</sup> כָּל הַמִּשְׁפָּחוֹת הַנֹּשְׂאָרוֹת מִשְׁפַּחַת מִשְׁפַּחַת לְבָד וּנְשֵׁיהֶם לְבָד: ס

**13** <sup>1</sup> בְּיוֹם הַהוּא יְהִיָּה מְקוֹר נִפְתָּח לְבֵית דָּוִד וְלִישְׁבֵי יְרוּשָׁלַם לְחַטָּאת וּלְנֹדָה: <sup>2</sup> וְהָיָה בְּיוֹם הַהוּא נָאֵם | יְהוָה צְבָאוֹת אֶכְרִית אֶת־שְׂמוֹת הָעֹצְצִים מִן־הָאָרֶץ וְלֹא יִזְכְּרוּ עוֹד וְגַם אֶת־הַנְּבִיאִים וְאֶת־רוּחַ הַטְּמָאָה אֶעֱבִיר מִן־הָאָרֶץ: <sup>3</sup> וְהָיָה כִּי־יִנְבֵּא אִישׁ עוֹד וְאָמְרוּ אֵלָיו אָבִיו וְאָמְרוּ יִלְדֵיו לֹא תַחֲיָה כִּי שָׁקֵר דִּבַּרְתָּ בְּשֵׁם יְהוָה וְדִקְרַהוּ אָבִיהוּ וְאָמְרוּ יִלְדֵיו בְּהַנְּבֹאוֹ: <sup>4</sup> וְהָיָה | בְּיוֹם הַהוּא יִבְשׁוּ הַנְּבִיאִים אִישׁ מִחֲזִינוֹ בְּהַנְּבֹאתוֹ וְלֹא יִלְבְּשׁוּ אֲדָרֶת שַׁעַר לְמַעַן כַּחַשׁ: <sup>5</sup> וְאָמַר לֹא נְבִיא

אֲנֹכִי אִישׁ-עֶבֶד אֲדָמָה אֲנֹכִי כִּי אָדָם הַקִּנְיָנִי מִנְעוּרַי:  
<sup>6</sup> וְאָמַר אֵלָיו מַה הַמַּכּוֹת הָאֵלֶּה בֵּין יְדֶיךָ וְאָמַר אֲשֶׁר  
הַכִּיתִי בֵּית מֵאֲהָבָי: ס <sup>7</sup> חָרַב עוּרֵי עַל-רְעֵי וְעַל-גְּבוּרֵי  
עִמִּיתֵי נְאֻם יְהוָה צְבָאוֹת הֵךְ אֶת-הַרְעָה וְתַפּוּצִין  
הַצֹּאן וְהַשִּׁבְתִּי יְדֵי עַל-הַצְעָרִים: <sup>8</sup> וְהָיָה בְּכָל-הָאָרֶץ  
נְאֻם-יְהוָה פִּי-שָׁנִים בָּהּ יִכְרְתוּ יִגְוְעוּ וְהַשְׁלִשִׁית יוֹתֵר  
בָּהּ: <sup>9</sup> וְהִבֵּאתִי אֶת-הַשְּׁלִשִׁית בְּאֵשׁ וְצִרְפָּתִים כְּצִרְף  
אֶת-הַכֶּסֶף וּבַחֲנָתִים כְּבַחֲן אֶת-הַזָּהָב הוּא | יִקְרָא בְשֵׁמִי  
וְאֲנִי אֶעֱנֶה אֹתוֹ אֲמַרְתִּי עִמִּי הוּא וְהוּא יֹאמֶר יְהוָה  
אֱלֹהֵי: ס

**14** <sup>1</sup> הִנֵּה יוֹם-בָּא לִיהוָה וְחִלַּק שְׁלֹלְךָ בְּקִרְבְּךָ:  
<sup>2</sup> וְאֶסְפָּתִי אֶת-כָּל-הַגּוֹיִם | אֶל-יְרוּשָׁלַם לַמַּלְחָמָה  
וְנִלְכְּדָה הָעִיר וְנִשְׁסוּ הַבָּתִּים וְהַנְּשִׁים [תִּשְׁגְּלָנָה כ]  
(תִּשְׁכַּבְנָה ק) וְיֵצֵא חֲצֵי הָעִיר בְּגוּלָה וְיִתֵּר הָעָם לֹא  
יִכְרַת מִן-הָעִיר: <sup>3</sup> וְיֵצֵא יְהוָה וְנִלְחַם בְּגוֹיִם הָהֵם כְּיוֹם  
הַלְחָמוֹ בְּיוֹם קָרַב: <sup>4</sup> וְעַמְדוֹ רִגְלָיו בְּיוֹם-הַהוּא עַל-הָר  
הַזֵּיתִים אֲשֶׁר עַל-פְּנֵי יְרוּשָׁלַם מִקֵּדָם וְנִבְקַע הָר הַזֵּיתִים  
מִחֲצִיּוֹ מִזְרָחָה וְיִמָּה גֵיא גְדוּלָה מָאֵד וּמֵשׁ חֲצֵי הָהָר  
צָפוֹנָה וְחֲצִיּוֹ-נִגְבָּה: <sup>5</sup> וְנִסְתָּם גֵּיא-הָרִי כִּי-יִגִיעַ גֵּיא-הָרִים  
אֶל-אֶצֶל וְנִסְתָּם כְּאֲשֶׁר נִסְתָּם מִפְּנֵי הָרַעַשׁ בְּיַמֵּי עֲזִיָּה  
מִלְךְ-יְהוּדָה וּבָא יְהוָה אֱלֹהֵי כָל-קְדוּשִׁים עִמָּךְ: <sup>6</sup> וְהָיָה  
בְּיוֹם הַהוּא לֹא-יְהִיָּה אֹר וְיִקְרוּת [יִקְפְּאוּן כ] (וְקִפְּאוּן:  
ק) <sup>7</sup> וְהָיָה יוֹם-אֶחָד הוּא יוֹדַע לִיהוָה לֹא-יוֹם וְלֹא-לֵילָה  
וְהָיָה לַעֲתֵ-עֶרֶב יְהִי־הָאֹר: <sup>8</sup> וְהָיָה | בְּיוֹם הַהוּא יֵצְאוּ  
מִיַּם-חַיִּים מִירוּשָׁלַם חֲצִיִּים אֶל-הַיָּם הַקְּדָמוֹנִי וְחֲצִיִּים  
אֶל-הַיָּם הָאַחֲרוֹן בְּקִיץ וּבַחֲרֹף יְהִיָּה: <sup>9</sup> וְהָיָה יְהוָה לְמֶלֶךְ  
עַל-כָּל-הָאָרֶץ בְּיוֹם הַהוּא יְהִיָּה יְהוָה אֶחָד וְשֵׁמוֹ אֶחָד:  
<sup>10</sup> יֵסוּב כָּל-הָאָרֶץ כְּעֶרְבָה מִגְּבַע לְרֵמוֹן נָגַב יְרוּשָׁלַם

וְרָאָה וַיֵּשֶׁבָה תַּחְתֶּיהָ לְמִשְׁעַר בְּנֵימָן עַד־מְקוֹם שַׁעַר  
 הָרֵאשׁוֹן עַד־שַׁעַר הַפְּנִים וּמִגְדַל חֲנָנְאֵל עַד יְקָבִי  
 הַמֶּלֶךְ: <sup>11</sup> וַיֵּשְׁבוּ בָהּ וַחֲרָם לֹא יִהְיֶה־עוֹד וַיֵּשְׁבָה  
 יְרוּשָׁלַם לְבִטְחָ: <sup>12</sup> וְזֹאת | תִּהְיֶה הַמַּגָּפָה אֲשֶׁר יִגַּף יְהוָה  
 אֶת־כָּל־הָעַמִּים אֲשֶׁר צָבְאוּ עַל־יְרוּשָׁלַם הַמֶּקֶם | בְּשָׂרוֹ  
 וְהוּא עֵמֶד עַל־רִגְלָיו וְעֵינָיו תִּמְקְנֶה בַּחֲרִיָּהּ וּלְשׁוֹנוֹ  
 תִּמַּק בְּפִיהֶם: <sup>13</sup> וְהָיָה בַּיּוֹם הַהוּא תִּהְיֶה מְהוֹמַת־יְהוָה  
 רַבָּה בָּהֶם וְהַחֲזִיקוּ אִישׁ יָד רֵעֵהוּ וְעָלְתָה יָדוֹ עַל־יָד  
 רֵעֵהוּ: <sup>14</sup> וְגַם־יְהוּדָה תִּלְחַם בִּירוּשָׁלַם וְאֶסְפָּף חֵיל  
 כָּל־הַגּוֹיִם סָבִיב זֶהָב וְכֶסֶף וּבַגְּדִים לְרַב מְאֹד: <sup>15</sup> וְכֵן  
 תִּהְיֶה מַגַּפַת הַסּוֹס הַפָּרָד הַגָּמֶל וְהַחֲמוֹר וְכָל־הַבְּהֵמָה  
 אֲשֶׁר יִהְיֶה בַּמַּחֲנוֹת הַהֵמָּה כַּמַּגָּפָה הַזֹּאת: <sup>16</sup> וְהָיָה  
 כָּל־הַנּוֹתָר מִכָּל־הַגּוֹיִם הַבָּאִים עַל־יְרוּשָׁלַם וְעָלוּ מִדֵּי  
 שָׁנָה בְּשָׁנָה לְהִשְׁתַּחֲוֹת לַמֶּלֶךְ יְהוָה צְבָאוֹת וְלַחַג  
 אֶת־חַג הַסְּכּוֹת: <sup>17</sup> וְהָיָה אֲשֶׁר לֹא־יַעֲלֶה מֵאֵת מִשְׁפָּחוֹת  
 הָאָרֶץ אֶל־יְרוּשָׁלַם לְהִשְׁתַּחֲוֹת לַמֶּלֶךְ יְהוָה צְבָאוֹת וְלֹא  
 עֲלִיהֶם יִהְיֶה הַגֶּשֶׁם: <sup>18</sup> וְאִם־מִשְׁפַּחַת מִצְרַיִם לֹא־תַעֲלֶה  
 וְלֹא בָּאָה וְלֹא עֲלִיהֶם תִּהְיֶה הַמַּגָּפָה אֲשֶׁר יִגַּף יְהוָה  
 אֶת־הַגּוֹיִם אֲשֶׁר לֹא יַעֲלוּ לַחַג אֶת־חַג הַסְּכּוֹת: <sup>19</sup> זֹאת  
 תִּהְיֶה חֲטַאת מִצְרַיִם וְחֲטַאת כָּל־הַגּוֹיִם אֲשֶׁר לֹא יַעֲלוּ  
 לַחַג אֶת־חַג הַסְּכּוֹת: <sup>20</sup> בַּיּוֹם הַהוּא יִהְיֶה עַל־מִצְלוֹת  
 הַסּוֹס קֹדֶשׁ לִיהוָה וְהָיָה הַסִּירוֹת בְּבֵית יְהוָה כַּמִּזְרְקִים  
 לְפָנֵי הַמִּזְבֵּחַ: <sup>21</sup> וְהָיָה כְּלִסִּיר בִּירוּשָׁלַם וּבִיהוּדָה קֹדֶשׁ  
 לִיהוָה צְבָאוֹת וּבָאוּ כָּל־הַזְּבָחִים וְלִקְחוּ מֵהֶם וּבִשְׁלוּ  
 בָּהֶם וְלֹא־יִהְיֶה כֹנְעָנִי עוֹד בְּבֵית־יְהוָה צְבָאוֹת בַּיּוֹם  
 הַהוּא: